

## **К ОПУБЛИКОВАНИЮ**

### **КОМИ РЕСПУБЛИКАСА ЮРАЛЫСЬЛӨН ИНДӨД**

#### **Кöрт туй транспорт вылын неминуча бöрын колясьяссö бырöдöм серти уджъяс котыртöм могысь «Неминуча» уджалан режим пыртöм йылысь**

«Вöр-ва да техногеннöй сяма неминучаясысь олысьяссö да мутасьяс видзöм йылысь» Федеральнöй оланпас, «Вöр-ва да техногеннöй сяма неминучаясысь Коми Республикаса олысьяссö да мутасьяс видзöм йылысь» Коми Республикаса Оланпас, Неминучаясысь öлöдöм да найöс бырöдöм да пöжарысь видзчысянлунсö могмöдöм серти Коми Республикаса комиссия бердын пыр уджалысь оперативнöй штаблөн 2024 во лöддза-номъя тöлысь 26 лунся заседаниелөн 4 №-а сёрнигижöд серти да сы могысь, медым бырöдны «Инта» муниципальнöй кытшса муниципальнöй юкөнлөн мутасын «Воркута – Новороссийск» туйті мунысь 511 №-а пассажирскöй поездлөн авария бöрын колясьяссö, шуа:

1. Пыртны Коми Республика мутасын 2024 вося лöддза-номъя тöлысь 26 лунсянь да торъя тшöктöмöдз Неминучаясысь öлöдан да найöс бырöдан öтувъя канму системаса Коми республиканскöй системаувлөн веськöдлан органъяслы да вынъяслы дінмуын «Неминуча» уджалан режим да урчитны неминуча вылö реагируйтан дінму тшупöд.

2. Индыны неминуча бырöдан юрнуöдысьöн Коми Республикаса Юралысьöс, Неминучаясысь öлöдöм да найöс бырöдöм да пöжарысь видзчысянлунсö могмöдöм серти Коми Республикаса комиссияөн Веськöдлысьöс.

3. Вöзйыны Войвывса көрт туйлөн Сосногорскса мутас веськöдланінлы:

1) котыртны неминуча местаö мездысьяслысь формованиеяс вайöмсö;

2) котыртны гражданаös неминуча местаысь көрт туй транспортөн эвакуируйтöмсö.

4. Вöзйыны Коми Республикаын пытшкös делöяс министерстволы:

1) примитны неминуча лоанінын да гражданаös недыр кад кезлö овмöдан местасын öтйöза пöрадок, гражданаысь ас эмбур видзöм серти эновтны позьтöм мераяс;

2) отсавны Коми Республикаса «Инта» муниципальнöй кытшлөн администрациялы примитны неминуча дырйи доймалöм гражданаös.

5. Вöзйыны Россияса МЧС-лөн Коми Республикаын медшöр веськöдланінлы:

1) ыстыны неминуча бырöдöм серти уджъяс нуöдан местаö Россияса МЧС-лөн Коми Республикаын медшöр веськöдланінса оперативнöй группаös да пöжарысь мездан меставывса гарнизонъяслысь оперативнöй группаясöс;

2) котыртны отсөг да эвакуируйтны неминуа дырйи доймалом гражданаос;

3) котыртны доверие телефонлысь уджсө, сы лыдын гражданагы психология боксянь отсөг сетом серти.

6. Коми Республикаса йозлысь дзоньвидзалун видзан министерстволы котыртны энотны позьтом медицина отсөг да неминуа дырйи доймалом гражданаос эвакуируйтомсö найос медицина учреждениясын меститом могысь.

7. Коми Республикаса войтырос дорьян да неминуагысь видзан комитетлы мододны «Аварияысь мездан профессиональной служба» Коми Республикаса канму ашшорлуна учреждениялысь содтод мездан вынъяс неминуа дырйи доймалом гражданагы отсөг сетом да аварияысь мездан да энотны позьтом мукöд удж нуодом могысь.

8. Коми Республикаса удж, уджон могмодан да социальной дорьян министерстволы примитны неминуа дырйи доймалом гражданагы материальной да мукöд отсөг да социальной отсөг сетом серти мераяс.

9. Вöзйыны Коми Республикалон «Инта» муниципальной кытшса юралысьлы – администрацияон юрнуодысьлы:

1) «5 №-а шор школа» муниципальной съомкуд велодан учреждениеын (Инта к.) восьтыны недыр кад кезло овмодан пункт да овмодны сэтчö неминуа дырйи доймалом гражданаос;

2) сетны неминуа дырйи доймалом гражданагы психология да медицина боксянь отсөг;

3) примитны неминуа дырйи доймалом эвакуируйтом гражданаос Инта кар мутасын медицина учреждениеасö.

10. Коми Республикаса том йоз политика комитетлы кыскыны Инта да Усинск карьясын волонтерьясöс неминуа дырйи доймалом гражданагы отсөг сетом могысь.

11. Тайö Индöдсö олөмө портөм борся кута видзöдны ачим.

12. Тайö Индöдыс вынсялө сйöс кырымалан лунсянь.

Коми Республикаса Юралысь

В. Уйба

Сыктывкар

2024 вося лөддза-номъя тöлысь 26 лун

66 №